

Vorrede.

erhalten vnd vermehret wirdt/ Wie wir denn oft spüren vnd befinden/ daß ein
Ackermañ/ so des seinen treulich vnd mit fleiß abwartet/ viel gesunder vnd län-
ger Lebendt bleibet/ob er schon grober Speise gebrauchet/ als einer so nur in mü-
ßigang/ Sammet vnd Seyden/ vnd guten Schleckerbiszelein aufferzogen
worden.

Weil denn nun der Feldt vnd Ackerbau/ ein solch Vhralt nötig/ nützlich
vnd fast lustig werck ist/ dz es von Gott selbst/ zu erhaltung vñ ernehrung Mensch-
liches Geschlechts/ vertreibung der Kranckheiten/ vnd Reparirung/ vnd Confir-
mation guter Gesundheit/ gestiftet vnd eingesetzt/ Ist es hierum auch alles Lobes
vnd rühmens billig würdig. Denn wie könnte das jenig/ so Gott selbst geordnet/ so/
also nötig/ nutz vnd Kurzweilig ist/ nicht auch hohes Lobs würdig sein? Wie denn
auch gleicher gestalt die jenigen/ so zubeforderung solches angenehmen/ vnd zu ge-
meinem Nutz dienlichen wercks/ den rechten ordentlichen vñ artlichen Gebrauch/
vnd wege in Schrifften an Tag bringen/ mit nichten zuschelten/ Sondern billich
zu loben vnd in allen ehren gehalten vnd gepriesen werden sollen. Dierweil sie nit
allein gegenwertiger zeit/ Sondern auch der Poste reitet mit ihrer auffgezeichne-
ten Erfahrung vnd Erkundigung/ sehr nützlich vnd verständig zu sein/ sich bear-
beyten.

In betrachtung solches alles/ haben viel verständige/ vmb Menschliches
Geschlecht wol verdiente Männer bey den Alten/ so auch bey vnser Zeit
ein gewisse Ordnung vnd weg die Agricultur/ vnd Ackerbau bequemlich/
vnd zu besonderm ersprießlichem nutzen anzuordnen/ vorzuschreiben/ vnd in
Schrifften auff die Nachkommenden zu richten/ nicht one sondern Ruhm sich be-
mühet vnd beflissen/ Wie wir sehen an dem Orptheo, Musco, Hesiodo, Hierone, Ar-
chelao, Magone, Columella, Varrone, Carone, Constantino, Carolo, Stephano, Ioanne
Siebalto, Herrn Melchiore Sebizio Silesio, der Arzneyen Doctorn/ vnd andern vil
mehr/ deren Lob denn so lang die Welt stehet/ nicht verlöschen wirdt/ noch außge-
tilget werden.

Vnter anderm aber/ hat auch der Fürtrefflich Mañ Petrus de Crescentijs/
verruckter Taren/ nicht mit geringerm Lob vnd Ruhm/ von vielgedachten Feldt
vnd Ackerbau/ ein herrlich Werck zusammen getragen/ in welchem er weniger nit
als jetz gemelte den Nachkommenden/ durch seinen fleiß Erkundigung/ Mühe vñ
Arbeit dienstlich vnd vorberet sein wollen. Welches nicht allein ein Acker oder
Feldtbau Buch ist/ sonder wol ein Hausbuch/ so zu allerley Sachen dienstlich/
in ig genant werden/ welches Werck denn/ ob es wol vor etlichen Taren/ in offe-
nem Truck außgangen/ ist es doch fast in correct vnd vnformlich/ auch nicht an
wenig orten vnvollkommen/ vnd mangelhaft getruckt worden.

NB

In ansehung dessen vnd der grossen Nutzbarkeit/ so hieraus zu schöpfen
vnd zu fassen/ Bin ich von dieser Sachen hoch verstendigen Herren offtermals
bittlich ersucht vnd angelanget worden/ dem gemeinen Nutzen/ vnd den Nach-
kommenden zum besten/ solches Werck vor die hand zunehmen/ auffs new durch-
sehen/ wo es mangelbar ersetzen vnd Compliren/ auch mit anderm/ zu welchem
sie gute Anleitung geben/ zu vermehren/ das meine darzu thun/ vnd vermittelst
meines Trucks vnd Vnkostens/ in einem bequemern Format öffentlich außgehen
zulassen.

So denn solch angeregter Herrn Trewhertzig suchen vnd begeren ich fur
zimlich